

পাপাবহ, তাহা হইলে সেই কামতাবটি দেবান্নির মত পাপাবহ ? কিংবা পাপস্বরূপেই পরম বিশুদ্ধ শ্রীভগবানে যে অধর পানাদি এবং শ্রীভগবানে কামুকত্ব প্রভৃতি আরোপণ, এবং সেই আরোপণজন্য যে শ্রীভগবানের নর্যাদা-লঙ্ঘন হয় অথবা শ্রীভগবানে কামতাব পাপাবহ বলিয়া শাস্ত্র হইতে শুনা যায়—এই জন্মই কি পাপাবহ ? তন্মধ্যে দেবাদিগণ মধ্যে উল্লিখিত হইয়াছে বলিয়া পাপাবহ—এইরূপ সিদ্ধান্ত করা যাইতে পারে না। যেহেতু ১০।১৯ অধ্যায়ে যে শ্রীশুকমুনি বলিয়াছেন উক্ত পুরস্তাদেতত্তে চৈত্য়ঃ সিদ্ধিঃ যথাগতঃ। দ্বিষন্নপি হৃষীকেশঃ কিমুতাদোক্ষজপ্রিয়া, ইত্যত্র দেবাদৈত্য়ক-কৃতত্বাৎ অশ্রুতু স্তুতত্বাৎ।” শ্রীশুকমুনি কহিলেন হে রাজন! তোনার জিজ্ঞাসিত বিষয়ের উত্তর পূর্বে সপ্তমস্কন্দে শিশুপাল, হৃষীকেশ শ্রীকৃষ্ণকে দেব করিতে করিতে সিদ্ধিলাভ করিয়াছিল—ইহা বলা হইয়াছে। যদি দেব করিয়াই সিদ্ধিলাভ হয়, তাহা হইলে অধোক্ষজ শ্রীকৃষ্ণের প্রিয়তমাগণ যে তাঁহাকে প্রীতি করিয়া সিদ্ধিলাভ করিবেন—এ বিষয়ে সন্দেহ করিবার অবসর কোথায় ? এই শ্লোকে দ্বেষভাবকে ধিকার দেওয়া হইয়াছে এবং শ্রীকৃষ্ণে কামতাবকে স্তব করা হইয়াছে। এইজন্য স্নেহের মত ভগবৎ-বিষয়ক কাম ও প্রীত্যাশ্রুক বলিয়া স্নেহের মতই কামও দোষাবহ নয়। শ্রীব্রজসুন্দরীগণের কাম এবং প্রেমে কিঞ্চিৎমাত্রও ভেদ নাই। এইজন্য উল্লেখ করা আছে যে—

“প্রেমৈব গোপরামাণাং কামইত্যগমৎ প্রথাং।

ইত্যুদ্ধবাদয়োপ্যেতং বাঞ্ছন্তি ভগবৎপ্রিয়াঃ॥”

ব্রজসুন্দরীগণের প্রেমই কামের মত আলিঙ্গন-চুম্বনাদি আছে বলিয়া কাম বলিয়া কথিত হয়। এই জন্মই শ্রীগোবিন্দের প্রিয়তম শ্রীউদ্ধব প্রভৃতি গোপীপ্রেমের প্রার্থনা করিয়া থাকেন। ১০।৩১।১৯ শ্লোকে শ্রীল ব্রজরামাগণ স্বয়ংই ‘যন্তেসুজাত’ এই শ্লোকে বলিয়াছেন—হে প্রিয়! আমরা যে তোমার চরণকমল কঠিন স্তন প্রদেশে ধারণ করিবার সময়, তোমার চরণতলে না জানি কত ব্যথা লাগিয়াছে—এই ভয়ে অতি ধীরে ধীরে ধারণ করিয়া থাকি। তুমি সেই চরণের দ্বারা কঠিন ব্রজভূমিতে বিচরণ করিতেছ, তাহাতে ক্ষেত্রে পতিত বন্যধান্যশৃঙ্গ ও তৃণাঙ্কুরের দ্বারা কি ব্যথিত হইতেছে না? তদগতজীবনা আমাদের হৃদয় তোমার চরণে বেদনা সম্ভাবনায় অত্যন্ত কাতর হইয়াছে। এই শ্লোকের মর্ম্মার্থে শ্রীলব্রজদেবীগণের কান্তাভাবের ভিতরে যে কোনও অংশে স্বস্থখতাৎ-পর্য্যাশ্রুক কামের সত্ত্বা নাই—তাহা সুস্পষ্টরূপেই দেখানো হইয়াছে। কারণ যদি কামের সত্ত্বা থাকিত, তাহা হইলে বক্ষোপরি শ্রীকৃষ্ণচরণাশ্রুজ ধারণসময়ে পরম সুখের পরিবর্তে শ্রীকৃষ্ণ-দুঃখ সম্ভাবনায় ভীতা হইতেন না। এমত সম্ভোগ